



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

Hund, Wiguleus

Monachii, 1620

Subiungam deniq[ue] elogium Ottonis huius Episcopi praeclarum, quod in libr. Tradit. Ecclesiae Frisingensis extat

urn:nbn:de:hbz:466:1-13553

laicis vel nobilibus seu ministerialibus, quibus in feodum per vestrum studium bona illorum voluntate redimentur, vobis contradimus, ita videlicet, ut quicumque vestrum domum suam con canonico suo vel dederit, vel in testamento dimiserit, idem sine contradictione alicuius possideat & aream, excepta ad portam occidentalem turris videlicet eam, quam habent filij Ottonis Palatini Comitis, & que est Comitis Gerhardi de Chreglingen, & que est Rudolphi de Parsperk, & ad portam orientalem, ea, quam habet Burchardus advocatus Mosburgensis, quasi ob tuitionem civitatis de iure laicorum exui volumus. Solis autem Canonicis inter se & non ad ceteros clericos siue laicos præfatam donationem facere concedimus. Quod si quis canonicorum in e status abierit, in potestate prepositi & fratrum sit, concedere domum & aream eius cui fratrum illius placuerit. Si qua ergo persona hanc nostram traditionem huiusq; nostri scripti paginam sciens temerare vel infringere presumpserit, nisi communita resipuerit ream se coram diuina maiestate cognoscat, conseruantes autem in presenti pacem & in futuro fructum sempiternæ retributionis inueniant. Signum Domini Ottonis Frisingen. episcopi. Data per manum Rhannini Notarij, actum dominice incarnationis anno M. C. L VIII. Ind. VI. anno autem domini Ottonis Frisingen. ecclesie episcopi. XIX. regnante serenissimo Imperatore Friderico, anno regni eius VII. Imperij vero IV. in Christo feliciter, Amen.

Subiungam deniq; elogium Ottonis huius Episcopi præclarum, quod in libr. Tradit. Ecclesie Frisingensis extat:

Cum sepius in causis Ecclesie coram regibus & Principibus constantissime ageret, & ex inde gloria laudem, laus inuidiam ut assolet, non modicam peperisset, delationes aduersantium imperterritus declinauit, & ora obloquens non sine lesione probe probus euasit. Siquidem supradicto Principe Friderico patrueli suo in Italiam expeditionis iter agente, cum & ipse sicut necessarius & perutilis imperij negocijs ire debuisset, nutu diuino contigit ipsum iter retrahere, ut vir religiosus inter manus fratrum orantium potius, quam inter strepitum preliantium dicere possit, Domine suscipe me ut cum fratribus meis sim. Benigne vero ab Imperatore dimissus, multis gemitibus commissam sibi sue benignitati commisit Ecclesiam, à quodam spiritu prophetico de seruo suo prescius, ne post mortem suam aliquo modo ipsam grauaret, & libertate electionis ut iam sepius in alijs Ecclesijs factum esse dicebatur, eam villo modo priuaret, postulauit, atque super hoc fide accepta ad propriam sedem redijt. Ottone Episcopo vero Kal. Octob. defuncto, paucis post mensibus, scilicet circa estiuale solstitium que tunc fuit dominica palmarum, hora matutina Ciuitas Frisingen. penitus incendio conflagrauit adeo quod ut taceam de maioribus Ecclesijs que cum ornamentis suis perierunt sedeque ipsa & palatio, nec vna de minoribus capellis & oratorijs superfuit, domus etiam & officina Canonorum & domus militum exceptis valde paucis cremate sunt, nam ex orientali latere montis vis ignis rumpens, cum ad alta culmina maioris Ecclesie ascendisset, ibique nutrimentum accepisset, vi caloris & vento scintille euolute occidentalem partem montis flammis cinxerunt, inde populus in medio subita formidine percussus fugam cepit, corpus suum flammis eripere illi summa salus fuit. Tum ventus imminens omnia permiscebat, miserabilis vbique ruina patebat. Ruit sedes Cathedralis, ac imperialis dignitas edificiorum. Ruit ciborium deauratum &c.

ALBER.